



CAtalogus sancto//rum [et] gestor[um] eor[um]

Petrus <de Natalibus>

Lugduni, 1508

Jncipit prologus libri duodecimi.

[urn:nbn:de:hbz:466:1-70797](https://nbn-resolving.org/urn:nbn:de:hbz:466:1-70797)

Incipit prologus libri duodecimi.

Duodecimus liber et vlti-
mus presentis catalogi continet tabulam
omnium et singulorum sanctorum: quorum gesta et
passiones aut acta in hoc volumine descri-
pta sunt: ad hoc ut unicuique legenti facile
occurrat: quod querit. Circa quam tabulam
et ipsius ordinem exponendum septem sunt
consideranda. **P**rimum quia nomina san-
ctorum seu festivitatum posita sunt in hac

tabula secundum ordinem alphabeti: videlicet primo omnia nomina incipiente
a ab a. secundo a b. tertio a c. et sic per ordinem usque in finem: ita tamen
etiam in ipsis nominibus incipientibus ab aliqua litterarum erit idem
ordo de secundis litteris et de tertiis et de quartis: et de omnibus successi-
ue usque in finem nominis. Ita ut in omnibus que incipiunt ab una litera
primo ponantur nomina: in quibus secunde vel tertie littere sunt
prioris iuxta ordinem alphabeti. Et sic de omnibus litteris usque in
finem. verbi gratia. In nominibus incipientibus ab a. primo ponun-
tur nomina in quibus post a. sequitur aliud a. sicut aaron. Deinde no-
mina in quibus post a. sequitur b. Et primo ponuntur illa nomina in
quibus post a. sequuntur b a. si sunt: vel duplex b. et a. ut abbauch: ab-
bas. Deinde illa in quibus post a. sequuntur bc. si repertuntur. Deinde
illa in quibus post a. sequuntur bd. ut abbas: et sic usque in finem no-
minis. Talisque ordo servatur in omnibus nominibus singularium litem-
rarum alphabeti: sicut manifeste apparebit legenti tabulam ipsam.
Hoc tamen scito: quod omittatur disphongi. y. loco i ponitur: et h. in-
fra dictiones pro nihilo reputatur: ad faciliorem querentium inuen-
tionem. **S**ecundo sciendum est: quod nomina omnium sanctorum huius
operis sunt posita in tabula particulariter singillatim et distincte.
vnde quis in titulo capituli vel rubrica sint plures sancti in simul con-
iuncti: sicut multoties occurrit aliquod festum plurimorum martyrum
vel sanctorum: quorum nomina ibidem sunt nominatim expressa:
suis tamen locis tabule posita sunt distincta et distincta secundum litteras al-
phabeti. verbi gratia. Sancti martyres verus et securus qui simul
vno capitulo comprehenduntur: nomina tamen illorum per se in ta-
bula ponuntur: scilicet nomen veri sub littera v. et nomen securi sub
littera s. Si vero nomina aliquorum sanctorum non expresse in pre-
senti opere sunt posita: tunc ponuntur in tabula coniunctim sub illa
littera que eis melius conveniat: scilicet vel sub littera numeri: si nu-
merus sanctorum exprimat: vel sub littera societatis illius sancti: cui sunt
copulati. vbi gratia. Sancti triginta martyres sine alicuius expresso no-
mine in vno capitulo sunt coniuncti: in tabula ponuntur. xxx. martyres
sub littera r. Tres sancti martyres didozus et marianus et socij in eadem



legenda conscribuntur: ideo in tabula ponitur diodorus sub littera d. et marianus sub littera m. socij quoque nec nomina: nec numerus expressa sunt: ponuntur sub littera s. Socij diodori martyres: et sic de alijs. Tertio sciendum est: quod aliqui sancti sunt: qui nec in rubrica siue titulo capituli: nec in principio legende nominantur: nec sub nomine societatis nominantur: qui tamen incidenter occurrunt infra legendam alterius sancti: nec tamen alibi habent aliquod capitulum speciale. Et isti in omnibus locis huius voluminis sunt signati infra legendam cruce nigra sic. Et istorum etiam nomine siue singulariter sint expressa: siue sub certo numero: non tamen nominantur: expressa ponuntur in tabula sub litteris congruentibus eis. verbi gratia. In legenda Bibiane virginis et martyris occurrunt incidenter flavianus martyr: et faustus martyr: et isti in eius capitulo signati cruce nigra ponuntur sub littera f. Item darfosa mater bibiane similiter in ipso capitulo notata et signata cruce ponitur in tabula sub littera d. Item in legenda iuliani et basilidis: in qua incidentaliter occurrunt ryno loco. et milites martyres: et in alio loco. vij. fratres: et isti signati cruce ponuntur in tabula suis locis: scilicet primi sub littera v. et secundi sub littera s. et sic de alijs. Hoc adiecto: quia aliqui ex istis sanctis: qui intra aliorum legendas ponuntur incidenter: aliquando in pluribus locis ponantur. Nec tamen in tabula in pluribus locis ponantur signati sunt in illis locis in quibus de ipsis plenior mentio habetur. Quarto advertendum est: quod posito nomine sancti in tabula ponitur: locus ubi inueniri debet. Et hoc dupliciter. Nam primo ex parte dextra legentis: que est in sinistra libri signatum est quoto libro: et quoto capitulo libri sanctus ille: vel legenda debeat inueniri. verbi gratia. Aaron qui est primus in tabula libro. vi. cap. xxx. Et parte vero sinistra legentis: que est dextra libri signatum est: quo die: cuiusque mensis sanctus ille occurrit: indicibus in superiori margine desuper existentibus. Et sic poterit inueniri: vel in libro: vel in kalendario conscripto. Si autem aaron sacerdos: ubi scriptum est ex parte dextra kalen. iulij: quo die festum eius occurrat. Sciendum tamen est: quod sancti illi quorum gesta in libro. xl. scripta sunt pro maiore parte nullum certum diem anni determinatum habent pro suo festo: sicut superius dictum est. Et ideo istorum nomina in tabula nihil habent signatum ex parte sinistra: vel dexteram diem festi. Sed ex parte dextra habent librum et capitulum libri signatum. Et similiter alij plures sancti aliorum librorum: quorum gesta quibus sub certis diebus anni sunt posita. propter aliquam ex causis supra in prologo assignatis: tamen dies obitus vel passionis illorum nusquam reperitur. Ideo quod isti tales. ex parte sinistra nihil habent signa-

tum sicut apparet ipsam tabulam considerant. Quinto sciendum est: quod sunt aliqui sancti de quibus nihil aliud potuit inueniri: nisi nota illorum et dies passionis vel mortis solummodo in martyologio descripta. Et isti omnes superius comprehensi sunt sub ultimo cap. xi. libri. ut autem isti facilius inueniri possint: sciendum est quod capitulum illud ultimum diuisum est per paragraphos. Et isti signati sunt per suos numeros eorum indice in superiori margine desuper extente: ut patet inspicienti. Tales ergo sancti qui sunt in xi. libro cap. vlt. signati sunt in tabula isto modo: videlicet quod a parte sinistra habent dies eorum festos: sicut habent alij. A parte vero dextra signati sunt per libros: et capitula et paragraphos. verbi gratia. Johannes presbyter libro. xi. cap. vlt. paragrapho. xl. et theodorikus episcopus libro. xi. cap. vlt. paragrapho. c. et sic de alijs. Sexto est advertendum: quod sciatur quis sanctus in tabula notatus est primus in principio legende expressus: vel quis secus: aut primo conuictus: vel quis incidenter infra legendam requirendus: talis ordo in tabula ponetur. Nam omnes illi sancti qui statim in ipso principio capituli: vel legende ponuntur habent ante se sic. Illi vero qui secundo de conuictis in eodem principio scribuntur: habent ante se sic. Illi qui sunt infra legendam: vel capitulum incidenter inserti habebunt in tabula ante se paragraphum sic. Illi vero sancti de quibus nihil inuenitur: nisi dies festi et nomina solummodo: qui sunt in ultimo capitulo. xi. libri. habebunt ante se in tabula paragraphum sic. Qui paragraphi diuersis coloribus possent etiam fieri: et per talia signa cognoscere quisque potest: ubi vel qualiter sanctorum gesta quorum nomina sunt in tabula debeat inueniri. Sed primo sciendum est: quia sicut continetur supra in prologo. xi. libri: credendum est plures esse sanctorum quorum gesta et passiones post opus istud profectum: aut miseris: aut posteris apparerent: quod propter sanctorum infinitatem et librorum numerositatem facile satis esset. Item forte futurum est per successiones temporum sanctos aliquos per militiam ecclesiam canonizandos: et sanctorum catalogo conscribendos: cum manus domini non sit abbreviata: que in terris homines de nouo sanctificat: et in celis multiplicare potest. Si tamen inserta gesta in presenti addicenda forent volumine eorum quoque nomina in tabula essent apponenda. Sed talia nomina litterarum ordine alphabeti et cepta prima littera seruare non possent. Et ideo in tabula ista post singulas litteras alphabeti aliquod spatium dimittetur: ubi nomina sanctorum illorum addicere possint: quorum gesta presenti volumini continerent de nouo conscribi.

Explicit prologus